



Borgarráð
Ráðhús Reykjavíkur
101 Reykjavík

Reglur um borgarhátíðir 2023 – 2025 lagðar fram til samþykktar

Komið er að því opna fyrir umsóknir frá fulltrúum hátíða sem vilja verða borgarhátíðir Reykjavíkur 2023 – 2025. Opnað verður fyrir umsóknir í næstu viku og rennur umsóknarfrestur út þann 10. apríl. Tilkynnt verður um borgarhátíðir Reykjavíkur eigi síðar en 31. maí. Kallað er eftir umsóknum fyrr en venjan er til að koma til móts við hátíðir. Þar sem um styrki er að ræða sem skipta miklu máli fyrir hátíðirnar kemur það sér illa fyrir forsvarsmenn þeirra að vita það ekki fyrr en undir lok árs hvort hátíð verði borgarhátíð frá og með næsta ári eður ei.

Meðfylgjandi eru uppfærðar reglur um borgarhátíðir sem hafa verið samþykktar í menningar-, íþrótt og tómstundaráði. Efnislega hafa verið gerðar tvær breytingar. Í fyrsta lagi er lagt til að Samtök skapandi greina tilnefni fulltrúa í faghópin sem fer yfir umsóknirnar í stað Samtaka verslunar og þjónustu. Samtök ferðaþjónustunnar tilnefna einn fulltrúa í faghópin og líta má svo á að sá fulltrúi sé fulltrúi atvinnulífsins. Að auki tilnefnir Bandalag íslenskra listamanna einn fulltrúa og Reykjavíkurborg tvo fulltrúa. Samtök skapandi greina eru breiður samráðsvettvangur, sem ætlað er að vinna að sameiginlegum hagsmunum og standa vörð um skapandi greinar á Íslandi. Er þar átt við listir, sköpun, hugverk og menningu, sem og atvinnu- og viðskiptalíf sem af þeim skapast.

Í öðru lagi er fjarlægð málsgrein um að umsóknir þeirra hátíða sem sækja um að verða borgarhátíðir en hljóta ekki brautargengi verði teknar til skoðunar sem umsókn um samstarfssamning við Reykjavíkurborg til tveggja eða þriggja ára. Þetta er gert þar sem ekki er auglýst eftir borgarhátíðum og almennum umsóknum um styrki úr borgarsjóði á sama tíma. Þær hátíðir sem ekki verða borgarhátíðir geta sent inn umsókn um samstarfssamning þegar opnað verður fyrir umsóknir um styrki úr borgarsjóði í haust.

Virðingarfyllst,

Huld Ingimarsdóttir, starfandi sviðsstjóri
Menningar- og ferðamálasvið

Samrit:

Hjálagt:

Reglur um borgarhátíðir 2023 – 2025

Reglur um borgarhátíðir 2020 – 2022, samþykktar í borgarráði 4. júlí 2019



Reglur um borgarhátíðir Reykjavíkur 2023-2025

Á árinu 2022 geta hátíðir sótt um að verða borgarhátíð Reykjavíkur 2020-2022 með þriggja ára samstarfssamningi, sem auk þess felur í sér ýmsa aðra samstarfsmöguleika við borgina. Faghópur mun fara yfir umsóknir og skila greinargerð um þær til menningar-, íþrótt- og tómstundaráðs, sem tekur endanlega ákvörðun um hvaða hátíðir verða fyrir valinu. Frestur til að sækja um er til 10. apríl og skal umsókn send á menning@reykjavik.is merkt „Umsókn um borgarhátíð Reykjavíkur 2023-2025“.

Fimm fulltrúar eru í faghópnum, einn tilnefndur af Samtökum ferðaþjónustunnar, einn af Samtökum skapandi greina einn af Bandalagi íslenskra listamanna og tveir frá Reykjavíkurborg. Formaður faghópsins er fulltrúi Reykjavíkurborgar. Ekki er gert opinbert fyrr en að úthlutun lokinni hverjir sitja í faghópnum. Starfsmaður skrifstofu menningar- og ferðamálasviðs er faghópnum til ráðgjafar og leiðbeiningar og situr fundi hópsins eftir því sem þörf krefur, og tekur jafnframt við fyrirspurnum umsækjenda. Við skipun í faghóp skal taka mið af II. kafla stjórnsýslulaga um sérstakt hæfi. Sama gildir ef hópurinn hefur hafið störf og spurning um vanhæfi kemur upp. Jafnframt ber að gæta að jöfnum kynjahlutföllum.

Hátíðir sem uppfylla eftirtalin skilyrði eiga möguleika á að vera valdar borgarhátíðir Reykjavíkur:

- a) vera til eflingar menningar og mannlífs í Reykjavík
- b) vera opin almenningi, aðgengileg og sýnileg
- c) hafa verið haldin að lágmarki þrisvar sinnum
- d) vera haldin árlega
- e) vera með alþjóðlega tengingu
- f) standa yfir í þrjá daga eða lengur
- g) vera með faglega stjórn
- h) viðhafa góða stjórnarhætti og rekstrarlegt gegnsæi
- i) fullnægja kröfum um fagmennsku og gæði
- j) styðja við menningarstarf í hverfum borgarinnar
- k) stuðla að atvinnusköpun

Jafnframt er litið til atriða eins og nýsköpunar, barnamenningar, aðsóknar, stöðugleika, þróunarmöguleika, tímasetningar innan ársins, möguleika hátíðanna á eigin tekjuöflun, umhverfismála, samstarfs við borgarstofnanir og þess að þær endurspegli fjölbreytileika samfélagsins bæði varðandi gesti og þátttakendur.

Borgarhátíðir Reykjavíkur 2023-2025 verða tilkynntar ekki seinna en 31. maí 2022.



Reglur um borgarhátíðir Reykjavíkur 2020-2022

Samþykktar í borgarráði 4. júlí 2019

Á árinu 2019 geta hátíðir sótt um að verða borgarhátíð Reykjavíkur 2020-2022 með þriggja ára samstarfssamningi, sem auk þess felur í sér ýmsa aðra samstarfsmöguleika við borgina. Faghópur mun fara yfir umsóknir og skila greinargerð um þær til menningar-, íþrótt- og tómstundaráðs, sem tekur endanlega ákvörðun um hvaða hátíðir verða fyrir valinu. Frestur til að sækja um er til 30. ágúst og skal umsókn send á menning@reykjavik.is merkt „Umsókn um borgarhátíð Reykjavíkur 2020-2022“.

Fimm fulltrúar eru í faghópnum, einn tilnefndur af Samtökum ferðaþjónustunnar, einn af Samtökum verslunar og þjónustu, einn af Bandalagi íslenskra listamanna og tveir frá Reykjavíkurborg. Formaður faghópsins er fulltrúi Reykjavíkurborgar. Ekki er gert opinbert fyrir en að úthlutun lokinni hverjir sitja í faghópnum. Starfsmaður skrifstofu menningar- og ferðamálasviðs er faghópnum til ráðgjafar og leiðbeiningar og situr fundi hópsins eftir því sem þörf krefur, og tekur jafnframt við fyrirspurnum umsækjenda. Við skipun í faghóp skal taka mið af II. kafla stjórnsýslulaga um sérstakt hæfi. Sama gildir ef hópurinn hefur hafið störf og spurning um vanhæfi kemur upp. Jafnframt ber að gæta að jöfnum kynjahlutföllum.

Hátíðir sem uppfylla eftirtalin skilyrði eiga möguleika á að vera valdar borgarhátíðir Reykjavíkur:

- a) vera til eflingar menningar og mannlífs í Reykjavík
- b) vera opin almenningi, aðgengileg og sýnileg
- c) hafa verið haldin að lágmarki þrisvar sinnum
- d) vera haldin árlega
- e) vera með alþjóðlega tengingu
- f) standa yfir í þrjá daga eða lengur
- g) vera með faglega stjórn
- h) viðhafa góða stjórnarhætti og rekstrarlegt gegnsæi
- i) fullnægja kröfum um fagmennsku og gæði
- j) styðja við menningarstarf í hverfum borgarinnar
- k) að hátíðin stuðli að atvinnusköpun

Jafnframt er litið til atriða eins og nýsköpunar, barnamenningar, aðsóknar, stöðugleika, þróunarmöguleika, tímasetningar innan ársins, möguleika hátíðanna á eigin tekjuöflun, umhverfismála, samstarfs við borgarstofnanir og þess að þær endurspegli fjölbreytileika samfélagsins bæði varðandi gesti og þátttakendur.

Borgarhátíðir Reykjavíkur 2020-2022 verða tilkynntar ekki seinna en 1. október 2019. Umsóknir þeirra hátíða sem sækja um að verða borgarhátíð Reykjavíkur en hljóta ekki brautargengi verða teknar til skoðunar sem umsókn um samstarfssamning við Reykjavíkurborg til tveggja eða þriggja ára, nema umsækjandi óski sérstaklega annars.